

RHYBUDD o Benderfyniadau Cyfarfod Y Pwyllgor Gwaith a gynhaliwyd yn Siambr y Cyngor, Swyddfeydd y Cyngor, Llangefni , ddydd Llun, 21 Mai, 2018

Cyhoeddir y Rhybudd hwn am 5:00pm ar ddydd Iau, 24 Mai, 2018. Rhaid cyflwyno unrhyw geisiadau i alw i mewn unrhyw benderfyniad i'r Prif Weithredwr erbyn dim hwyrach na 5:00pm ar ddydd Gwener, 1 Mehefin, 2018. Daw'r penderfyniadau i rym (os na fydd yna gais dilys i'w galw i mewn) ar ddydd Llun, 4 Mehefin, 2018.

Presennol: Y Cynghorwyr R Dew, Llinos Medi Huws (Cadeirydd), R. Meirion Jones, R G Parry OBE, FRAGS, Dafydd Rhys Thomas, Ieuan Williams, Alun W Mummery, Carwyn Jones a Robin Williams

Hefyd yn bresennol: Y Cynghorwyr Glyn Haynes, Kenneth Hughes, Aled Morris Jones, Eric Jones, Dylan Rees, J. Arwel Roberts

Ymddiheuriadau: Dim

(10:00 y. b. tan 11:10 y. b.)

RHIF YR EITEM A'R PWNC	3 Cofnodion Amherthnasol
PENDERFYNIAD	Penderfynwyd cymeradwyo cofnodion cyfarfod blaenorol y Pwyllgor Gwaith a gynhaliwyd ar 30 Ebrill, 2018 fel rhai cywir.
RHESWM AM Y PENDERFYNIAD	Amherthnasol
A OES MODD EI ALW I MEWN?	Amherthnasol

RHIF YR EITEM A'R PWNC	4 Rhaglen Waith y Pwyllgor Gwaith Adroddiad gan Bennaeth y Gwasanaethau Democrataidd
PENDERFYNIAD	Penderfynwyd cadarnhau Blaenraglen Waith y Pwyllgor Gwaith am y cyfnod Mehefin 2018 i Ionawr 2018 wedi ei diweddarau yn amodol ar y newid ychwanegol a amlinellwyd yn y cyfarfod.
RHESWM AM Y PENDERFYNIAD	Er mwyn cryfhau trefniadau atebolrwydd a blaengynllunio.

A OES MODD EI ALW I MEWN?	Oes
---------------------------	-----

RHIF YR EITEM A'R PWNC	<p>5 Mabwysiadu Pwerau gan y Cyngor a Dirprwyo i Swyddogion Adroddiad gan y Pennaeth Swyddogaeth (Busnes y Cyngor)/Swyddog Monitro a'r Pennaeth Gwasanaeth (Rheoleiddio & Datblygu Economaidd)</p>
PENDERFYNIAD	<p>Penderfynwyd argymell i'r Cyngor Llawn</p> <ul style="list-style-type: none"> • Ei fod yn mabwysiadu'r pwerau a restrir yn Adran A o Atodiad 1 yr adroddiad. • Ei fod yn diwygio'r Cynllun Dirprwyo yn y Cyfansoddiad i ddirprwyo ymarfer y pwerau a nodir yn Adran A o Atodiad 1 i'r adroddiad, i'r Pennaeth Gwasanaeth (Rheoleiddio a Datblygu Economaidd). • Ei fod yn tynnu'r pwerau a restrir yn Adran B o Atodiad 1 i'r adroddiad o'r Cynllun Dirprwyo yn y Cyfansoddiad sy'n dirprwyo'r pwerau hyn i'r Pennaeth Gwasanaeth (Rheoleiddio a Datblygu Economaidd). • Ei fod yn awdurdodi Pennaeth Swyddogaeth (Busnes y Cyngor)/Swyddog Monitro'r Cyngor i wneud y newidiadau angenrheidiol i'r Cynllun Dirprwyo, ac unrhyw ddiwygiadau canlyniadol i adlewyrchu mabwysiadu, dirprwyo a dileu'r cyfryw bwerau. • Ei fod yn awdurdodi Pennaeth Swyddogaeth (Busnes y Cyngor)/Swyddog Monitro'r Cyngor i wneud unrhyw newidiadau i'r Cyfansoddiad yn y dyfodol, heb orfod cael cymeradwyaeth y Pwyllgor Gwaith neu'r Cyngor Llawn, lle bo'r newidadau hynny o ganlyniad i newidiadau deddfwriaethol pan fo angen

	<p>ychwanegu/newid y ddirprwyaeth i swyddogion er mwyn gweithredu'r pwr neu'r hawliau ychwanegol a roddwyd i'r Cyngor dan y ddeddfwriaeth ddiwygiedig neu newydd.</p> <ul style="list-style-type: none"> • Ei fod yn diwygio'r Cynllun Dirprwyo yn y Cyfansoddiad i ddirprwyo i Bennaeth Swyddogaeth (Busnes y Cyngor)/Swyddog Monitro yr hawl i "Adolygu a diweddarau Cyfansoddiad y Cyngor o bryd i'w gilydd i gynnwys unrhyw newidiadau achlysurol sy'n deillio o ddeddfwriaeth ddiwygiedig, deddfwriaeth sy'n cymryd lle un arall neu ddeddfwriaeth newydd; unrhyw ailstrwythro o'r sefydliad sydd eisoes wedi ei awdurdodi fel bo'r angen ac i gynnwys dirprwyaethau newydd i swyddogion, sef y Pennaeth Gwasanaeth sydd â chyfrifoldeb am y gwasanaeth perthnasol i gael awdurdod dirprwyedig llawn i gyflawni'r swyddogaeth ar ran y Cyngor oni bai ei bod yn fater sydd wedi ei neilltuo i'r Cyngor, Pwyllgor Gwaith neu Bwyllgor."
RHESWM AM Y PENDERFYNIAD	Argymell newidiadau i'r Cyfansoddiad.
A OES MODD EI ALW I MEWN?	Na. Mae'r mater am gael ei ystyried gan y Cyngor Llawn

RHIF YR EITEM A'R PWNC	6 Gofyn am Ganiatad i Recriwtio Staff Asiantaeth Ychwanegol yn y Gwasanaethau Plant a Theuluoedd Adroddiad gan Bennaeth y Gwasanaethau Plant.
PENDERFYNIAD	Penderfynwyd cymeradwyo'r canlynol – <ul style="list-style-type: none"> • I'r Gwasanaeth Plant a Theuluoedd recriwtio 7 Gweithiwr Cymdeithasol Newydd Gymhwysu (NQSW) i'r timau gwaith maes o fis Hydref, 2018 (3 wedi'u penodi eisoes) a

	<p>chefnogi'r rhain trwy gyflogi 4 o weithwyr cymdeithasol asiantaeth ychwanegol ar y sefydliad am 12 mis.</p> <ul style="list-style-type: none"> • I'r Gwasanaeth ymestyn y capasiti cyfreithiol o fewn y gwasanaeth i 2.5 cyfwerth ag amser llawn am gyfnod o 12 mis. • I £268,008 o gyllid ychwanegol gael ei ryddhau o gronfeydd wrth gefn y Cyngor i ariannu'r gofynion ychwanegol a amlinellir yn y adroddiad.
RHESWM AM Y PENDERFYNIAD	Cymeradwyo cyllid ychwanegol ar gyfer swyddi staff asiantaeth i gwrdd a gofynion o fewn y gwasanaeth.
A OES MODD EI ALW I MEWN?	Oes

RHIF YR EITEM A'R PWNC	7 Cyllideb Refeniw Aildro 2017/18 Adroddiad gan y Pennaeth Swyddogaeth (Adnoddau)/Swyddog Adran 151
PENDERFYNIAD	<p>Penderfynwyd -</p> <ul style="list-style-type: none"> • Nodi'r sefyllfa fel y caiff ei nodi yn Atodiadau A a B yr adroddiad mewn perthynas â pherfformiad ariannol yr Awdurdod ar gyfer 2017/18. • Nodi'r crynodeb o gyllidebau wrth gefn ar gyfer 2017/18 fel y manylir arnynt yn Atodiad C yr adroddiad. • Nodi'r sefyllfa mewn perthynas â'r rhaglenni Buddsoddi i Arbed yn Atodiad CH yr adroddiad. • Nodi'r sefyllfa o ran arbedion effeithlonrwydd 2017/18 yn Atodiad D yr adroddiad. • Nodi monitro'r costau asiantaeth ac ymgynghorwyr yn 2017/18 yn Atodiadau DD ac E yr adroddiad. • Nodi bod yr alldro a nodir yn yr adroddiad yn parhau'n amodol hyd nes y cwblheir yr archwiliad statudol.

RHESWM AM Y PENDERFYNIAD	Monitro'r Gyllideb Refeniw am 2017/18
A OES MODD EI ALW I MEWN?	Oes

RHIF YR EITEM A'R PWNC	8 Monitro Cyllideb CRT - Chwarter 4 2017/18 Adroddiad gan y Pennaeth Swyddogaeth (Adnoddau)/Swyddog Adran 151
PENDERFYNIAD	Penderfynwyd – <ul style="list-style-type: none"> • Nodi'r sefyllfa a nodir mewn perthynas â pherfformiad ariannol y Cyfrif Refeniw Tai (CRT) ar gyfer Chwarter 4 2017/18 a, • Nodi hefyd bod y canlyniadau'n amodol ar y broses archwilio arferol ar ddiwedd y flwyddyn sy'n golygu mai rhai dros dro yw'r ffigyrau ar hyn o bryd.
RHESWM AM Y PENDERFYNIAD	Monitro'r Gyllideb Refeniw Tai (CRT) 2017/18
A OES MODD EI ALW I MEWN?	Oes

EITEM GYFRINACHOL

RHIF YR EITEM A'R PWNC	10 Cytundeb Cwrs Golff Llangefni Adroddiad gan y Prif Weithredwr
PENDERFYNIAD	Penderfynwyd symud ymlaen yn unol ag argymhellion yr adroddiad.
RHESWM AM Y PENDERFYNIAD	Cymeradwyo camau gweithredu mewn perthynas a Chlwb Golff a Llain Ymarfer Llangefni
A OES MODD EI ALW I MEWN?	Oes